



## OQAASILERIFFIMMIT NUTAARSIASSAT

NORMU 1 · JANUAARI 2021

# SAQQUMMERTOQ: KALAALLISUT ALLAGAATIT OQAASERTAAT MISISSUIFFIGINEQARSINNAALERPUT

• Ilaarsersut tamakkisut aqqissuummeq. Carl Chr. Olsen	<b>Oqaasileriffik:</b> 2007-imi saqqummersut allagassit. Inuit aqqa akuerisat nalunaarsinimiffi
• Kilaarsuummorsarlutit allagassitoq mallugu allanngertassut. Nuka Møller	<b>Oqaasileriffik:</b> Atarsuunammut ilisarsutit Kalaallit aqqa, allamut aqq
• Novemberip 21-ani, 2006 Inuit Aqqik Akuerisartut	<b>Oqaasileriffik:</b> Paarsissutit Aqqisrugaana Oqaasileriffik pilsinneqarpoq oqaasit pilugit allagassitaq
• 2006 Inuit Aqqik Akuerisartut Oqaasileriffik Paarsissutit	<b>Oqaasileriffik:</b> pilsinneqarpoq oqaasit pilugit allagassitaq pilugu sulaaqissitaq

Qupp. 7-imi atuaruk

Nunat aqqinut tunngasut  
nunallu aqqi nutaat



Qupperneq 6-imi atuaruk



Ilisaritsinerit qupp. 8 aamma 9

## OQAASILERINEQ

- allamoorut
- naanerit **-vut** aamma **-gut**

Quppernermi siullermi atuarsinnaasatit

Covid-19-imut atatillugu taaguutit

COVID-19



## ATTAVISSAQ

e-mail: oqaasileriffik@oqaasileriffik.gl

Tlf.: (+299) 38 40 60

Ceresvej 7, 1 · Postboks 980

3900 Nuuk · Kalaallit Nunaat

## AMMASARFIIT

Ataa-tall.: 8:00-16:00

Arf.-sap.: matoqqavoq



Oqaasiliortut



Nunat Aqqinik  
Aalajangiisartut



Inuit Aqqi



Oqaaserpassualerineq

OQAASILERIFFIMMIT  
NUTAARSIASSAT  
QAAMMATIT TAMAASA  
SAQQUMMERSINNEQAR-  
TASSAAQ


AAQQISSUISOQ:  
Ane-Mette Broberg  
Damgaard

# OQAASILERINEQ

## Naanerit -vut aamma -gut

ALLATTOQ: MINIK JEREMIASSEN

Oqaasileriffimmut naanerit **-vut** aamma **-gut** 23.10.2020 apeqqutigineqarput.



### OQAASILERIFFIMMIT AKISSUT

Nalitsinni oqaluinnarnermi **-vut** atornerutingajappoq, taassumalu atornerqarfissaraluani **-gut** atornerqarnerulerpoq. Taasiinnarniutit oqaluinnarniutillu atuarfimmi atuartitsissutigineqartartut nalinginnaanersarimmatigik ilimagaara ilinniartitsisut ilaasa nassuiareersimassagaluaaraat.

Taakkunani gasseersiutaasut kinaassusersiutillu pingajuannik piginnittorsiutillit **-vut**-imik naaneqartarput, soorlu:

- qimmivut (uagut uku qimmivut) (oqaluinnarnermi atornerqarnerulerpoq: qimmigut)
- ornissavavut (uagut uku ornissavavut) (oqaluinnarnermi atornerqarnerulerpoq: ornissavagut).

## Allamoorut

ALLATTOQ: TIKAAJAAT KRISTENSEN

Allamoorut taggisit naanerisa ilagaat, taggisinut naanernut **kasus**inik taaneqartartunut arfineq-pingasuusunut ilaavoq. **Kasus**it taakku assigiinngitsunut marlunnut immikkoortineqartarput, **grammatiske kasus**inut (oqaaseqatigiit qanoq imminnut attuumassuteqarnerannik takussutissiisartut), tassa **taasiinnarniut (absolutiv)** aamma **allamoorut (relativ)**, aamma taggisinut kingulleqqiutilinnut (oblikke kasus), tassa:

**sumiiffilerut (-mi/-ni)**, **atortulerut (-mik/-nik)**, **piffilerut (-mut/-nut)**, **aallarfilerut (-mit/-nit)**, **aqqutilerut (-kkut/-tigut)** aammalu **assilerut (-tut/-sut)**.

Taggisit taasiinnarniummik naasut ataasersiutaagaangamik allanngorneq ajorput (arnaq/angut), gasseersiutaagaangamik naanerisarpaat **-t/-it/-at** (arnat/angutit).

Allamoorutip isikkua:

Ataasersiut	Qasseersiut	Assersuut (ataas.)	Assersuut (qass.)
-p/-up/-ip/-ap	-t/-it/-at	arnap / angutip	arnat / angutit

Piginnittoq	ataasersiut	qasseersiut
Uanga	nunama	nunama
Illit	nunavit	nunavit
Una	nunaata	nunaasa
Namineq	nunami	nunami
Uagut	nunatta	nunatta
Ilissi	nunassi	nunassi
Uku	nunaata	nunaasa
Namminneq	nunamik	nunamik

### ALLAMOORUTIP ATUUFFII

1. oqaaseqatigiinni susalinni susup naanerani, ass.:

- Jaakup arsaq isimmippaa,
- meeqqat atuarfik nuannaraat,
- anaanama matu matuaa.

2. oqaaseqatigiinni piginnittorsiutillinni piginnittup naanerani, ass.:

- Jaakup nasaa,
- arnap illuata matua,
- Kalaallit Nunaata Radioa.

# OQAATSIT ATAASIAKKAAT PILLUGIT

## Tungiuineq

ALLATTOQ: CARL CHR. OLSEN (PUJU), 2010

Ordbogeeqqami Jonathan Petersenip nassuiarpaa:  
tungiorpaa: piorsarpaa, tuniorarpaa, isumagaa

**Tungiorpaa**, isumagiinnarnagu aamma piorsarlugu pinngorsarlugulu pivaa, inuunermilu pisariaqartuinik isumannaajaassullugu kiffartuuttutut illugu.

Meeqqat tungiortillit tassa meeqqat nerisaqarnermikkut, peqqinermikkut, qaammarsagaanermikkut perorsagaanermikkut pisariaqartitamikkullu allatigut isumagineqartut.

**Tungiuineq**: tassannga pilerpoq.

*Oqaasileriffiup toqqorsivianit*

## Oqaatsinut eqqussanut taarsiullugit oqaasiliat

seksuel chikane:

- nikanarsagaalluni tiingaffigineqarneq
  - nikanarsaalluni tiingaffiginninneq
- (Oqaasiliortut imaqarniliaat, 14.10.2016)

adapter:

(sarfamut) nuutsissut

(Oqaasiliortut imaqarniliaat 28.02.2012)

mobitelefon:

oqarasuaat angallattagaq/nassartagaq

clairvoyant:

Takussaangitsunik misikkarissoq, siumut takorluuisinnaasoq, malussarissoq, siulit-tuisartog

(Oqaasiliortut imaqarniliaat 20.12.2007)

samfundskritik:

inuiaqatigiinni pissutsinik isornartorsiui-neq

mistænkt: pasisaq

sigtet: pissutissalimmik pasisaq

(Oqaasiliortut imaqarniliaat 16.06.2017)

fake news:

nutaarsiassaq salluliuut

(Oqaasiliortut imaqarniliaat 17.12.2019)

Sydpolen:

Sikuiuitsoq Kujalleq

(Oqaasiliortut imaqarniliaat 23.03.2009)



# SAAFFIGINNISSUTIT



## Oqaaseq nutaraq

ALLATTOQ: MINIK JEREMIASSEN

Oqaasileriffimmut oqaaseq **nutaraq** uumasunut taamaallaat atornerqartarnersoq paasinianeqarpoq 22.01.2020.

### OQAASILERIFFIMMIT AKISSUT

Maani nunatsinni nutaraq uumasunut misilittagaqanngitsunut, "inuusuttunut", atornerqarnerunnguatsiarpoq, kisianni naggueqatitta ordbogii misissorlugit nalunangilaq oqaaseq qanga uumasuinnarnut atornerqarani kisianni aamma inunnut atornerqartarsimagaluortoq.

Naggueqatitta **inuinnaqtun** oqaasillit, samani Canadap qiterpasissuaniittut, nutaqqamik atuinerat assersuutissaqqippoq ordbogianni ima allassimasoqarmat:

**nutaraq** = child

marlorsiut: nutaqqak,  
qasseersiut: nutaqqat.

Maani aamma nunatsinni ordbogitsinni nutaanerpaasumi Oqaasersiummi nutaraq inunnut atornerqarsimavoq ima allassimalluni: ung og uerfaren, **nutaraq**.

## Ateq Aviula qanoq isumaqarpa?

ALLATTOQ: ANE-METTE BROBERG DAMGAARD

Januaarip 26-anni 2020-mi ateq Aviula qanoq isumaqarnerseq paasiniaasoqarpoq.

Aviulamut qanittoq ateq Aviu (Avio) Oqaasileriffimmi suleqatigisimasatta Nuka Møllerip atuakkiaani Oqaasileriffiup saqqummersinnikuusaani, "Kalaallit aqqi - isumaat tunuliaqutaallu"-mi, Aviu (Avio) ima nassuiarneqarpoq:

### Aviu (Avio)

- Nukappiaqqat aqqat. Ateq oqaluttuatoqqaneersoq. **Isuraa:** "Aviorpoq: qarlorpoq, qitivippoq" aamma "aviorput, (siutikka) sianerput." Oqaluttuatoqqat ilaanni aamma "siggarpoq" imalt. "uinngiar(sup)poq".  
Aqqup aallaavigisinnaasaa: Aviutitsineq imalt. avequllattaaneq (siutikkut sianertitsineq) qanga Nunarput tamakkingajallugu ilisimaneqarpoq tassaasoq toqusimasut nerisassamik piimalutik saaffiginninnerat. Naggueqatigiit tamat akomanni imeq nerisassarlu toqusimasumut pilliutigineqarpat upperineqartarpoq pisaqarluarnissamik kinguneqartissagaa. Siutit aviorpata imagoq oqartassapput: "Maanga! Nereqalutillu imeqalutillu nutaassatsinnik tuniniaqinnga!" (B. Sonne 2004 aamma Lynge 1991:146 – 147).

Oqaasiliortut inuit aqqinik akuersisarnerminni najoqqutassaanni ima allassimasoqarpoq:

- Aqqit allattaatsit malittarisassaat naapertorlugit allanneqartassapput.
- Sumiorpaluutit atornerqarsinnaapput.
- Atini pioreersuni uiguusersuisoqarsinnaavoq atsiisarnermi ileqqusut najoqqutaralugit.

Uiguut **-la** kalaallit aqqini uiguutit allattorsimaffianni ilaavoq.

Taamaalillunilu ilimanaateqarluni **Aviula** Aviu-mit aallaaveqarsimanissaa.

# COVID-19-IMUT ATATILLUGU TAAGUUTIT

5. dagstes	tullut tallimat qaangiunneranni misissortinneq
bliv hjemme	angerlarsimaannarit
coronavirus	coronavirus
coronavirus variant	coronavirusit ilaat
COVID-19	COVID-19
epidemi	nappaalaneq
Epidemikkommissionen	Tunillaassortunik Nappaalanersuaqarneranut
	Ataatsimiititaliarsuaq
feber	kiaqarneq; kissarneqarneq
forebygge smittespredning	nappaatip siaruaannissaa pinaveersaatippaa
halsbetændelse	toqqusaarlunneq
hjemmekarantæne	angerlarsimaannaqqusaaneq
hjemmeisolation	angerlarsimalluni mattusimaneq
hoste	quersorneq
højriskogruppe for smitte	tunillatsissimasinnaasutut ilimanaateqarluinnartut
høj smitterisiko	tunillatsissinnaaneq ilimanaateqarluinnartog
inddæmpe smittespredning	nappaat siaruatsaalivaa;
	nappaatip siaruaannissaa pakkersimaarpaa
inddæmpning af smittespredning	nappaatip siaruaannissaanik pakkersimaarinninneq
landslægen	Nunatta nakorsaanera
lavrisikogruppe for smitte	tunillatsissimasinnaasutut ilimanaateqarpallaanngitsut
lav smitterisiko	tunillatsissinnaaneq ilimanaateqarpallaanngitsoq
mundbind	qanermut assiaqut
ondt i halsen	toqqusaarlunneq
pandemi	nunarsuaq tamakkerlugu tunillaassuunneq
podning	misissugassamik peersineq
regionssygehus	qitiusumik napparsimmavik
risikoområde for smittespredning	tuniluuttoqarnissaanut aarlerinartogarfiusoq
smitte (det at blive smittet)	tunillatsinneq
smitte (nogen)	tunillaavoq
smitte (ham/hende/det)	tunillappaa
smittefare	tunillatsissinnaaneq
smittekilde	tunillaassuunnerup pilerfia
smittemodtager	tunillatsittoq
smitteopsporing	tuniluunnerup paasiniarnera
smitterisiko	tunillatsissinnaaneq
smittespredning	nappaatip tuniluunnera; nappaatip siaruaannera
smittet	tunillanneqartog; tunillatsissimasoq
smittevej	tuniluuffiusoq
sundhedscenter	peqqissaavik
symptom	ersiut
testet negativt	tunillatsissimanngitsoq
testet positivt	tunillatsissimasoq
vejtrækningsbesvær	anernikilliorneq
åndenød	anerteqineq; issannguneq

**ERSEQQISSAATIGINEQASSAAQ  
COVID-19-IMUT TAAGUUTIT  
OQAASILIORUNIT  
AKUERINEQARNIKUUNNGIMMATA.**

# OQAASILIORUT TAAGUUTIT AKUERISAAT

ALLATTOQ: LISATHE MØLLER

Oqaasiliortut februaarip 26-anni 2020 ukiumi nutaami siullermeerlutik ataatsimiinnerminni kalaallisut taaguutit uku akuersissutigaa:

danskisut: falsk brev

kalaallisut: allagaq\_pegquserluut

danskisut: curlingforældre

kalaallisut: nammalluni\_perorsaasoq

curlingbarn-ilu kalaallisut ima taaguuteqassasoq aalajangerneqarpoq: nammallugu\_perorsagaq.

Isikkamik arsarnermi taaguutit Oqaasiliortunit maajip 14-iani 2020 akuerineqartut:

- 2. *adværel* mianersoqqussutip aappaa
- 2. *dommer* dommerip aappaa
- 3. *dommer* dommerit pingajuat
- 4-*sekundersregel* sekundini sisamani malittarisassaq
- *åben færdighed* periaarsinnaanermik piginnaasaq
- *åbningskamp* ammaanersiorluni unammineq
- *adværel* mianersoqqussut
- *give adværel* mianersoqqussivoq
- *afbrudt kamp* unammineq unitsinneqartoq
- *afgørelse* aalajanglineq
- *aflevering* tunniussineq
- *afleveringsskygge* tunineqarsinnaanngikkallarlik



Oqaasiliortut septembarip 19-anni 2019-imi ataatsimiinnerminni bæredygtig udvikling kalaallisut ima taaguuteqartussatut aalajangeraluarpaat: "pijuartitsilluni ineriartorneq", kingornali maajip 14-iani 2020 ataatsimiinneranni pijuartitsilluni ineriartortitsineq imarisarpiaanut naleqquttusoq. Tamanna pillugu Oqaasiliortut bæredygtig udvikling ima allanngorlugu akuerisatut taaguuserpaat: "pijuartitsilluni ineriartortitsineq".

Pijuartitsilluni ineriartortitsineq sorlermik kingulleqqiuserneqartassanersoq Oqaasiliortut misissuisitserernerisa kingorna aalajangiuppaat sumiiffilerut -mi uiggiullugu atorneqartassasoq, taamaattumik uku Oqaasiliortunit akuerineqartutut aalajangiunneqarput:

danskisut: verdensmål for bæredygtig udvikling

kalaallisut: pijuartitsilluni ineriartortitsinermi nunarsuarmi anguniagaq

danskisut:

FN's verdensmål for bæredygtig udvikling

kalaallisut:

pijuartitsilluni ineriartortitsinermi FN-ip nunarsuarmi anguniagaa



**PIJUARTITSILLUNI  
INERIARTORTITSINERMI  
NUNARSUARMI ANGUNIAGAQ**

# NUNAT AQQI PILLUGIT

## Tunup avannaarsuani nunat aqqi

ALLATTOQ ARNAQ BRANDT JOHANSEN

Nuna Kunngi Christian-ip killingi:

Ni og halvfjersfjorden taassumalu nalaani sermip aakkartarfia, Danmark Fjord, Nakkehoved taassumalu nalaani imartaq.

Paasissutissat pigisavut qulaani allaqqasut 1930-kkut ingerlaneranni taamani stednavneudvalgimit aalajangerneqarput.




Nuna Kunngi Frederik VIII-ta (arfineq-pingajuat) kujammut killingi stednavneudvalgimit juunip 11-anni 1934-mi akuerineqartut ukuupput:

Store Koldewey Ø kujataatigoorluni Bessel Fjord aqqutigalugu kiisalu sermersuarmi nunatat timerliit ilanngullugit.

Avannamut killingi stednavneudvalgimit februaarip aappaani 1935-mi akuerineqartut tassaapput:

Independence Fjord aamma Academy Gletsjer.



## Nunat aqqi nutaat

Nunat Aqqinik Aalajangiisartut Kalaallit Nunaanni nunat aqqi katersorlugillu nalunaarsortartussaavaat taamatullu atortussanngortittartussaallugit. Nunat aqqi akuersissutigineqartut kingulliit tassaapput illoqarfiup Nuup eqqaaniittut:

- **Ammukariaq** (qallunaatut Nedkørselimik taagortagaat)
- **Isikkivik** (qallunaatut Udsigtimik taagortagaat)



# KALAALLISUT ALLAGAATIT OQAASERTAAT MISISSUIFFIGINEQARSINNAALERPUT

ALLATTOQ MINIK JEREMIASSEN

Oqaasileriffiup allagaatinik katersuivia kalaallisut oqaatsinik 18 millioninit ikinne-rungitsunik imaqartoq maanna ujarlerfigi-neqarsinnaalerpoq.



Allagaatinik katersuiviup imarisai ilaatigut tassaapput atuakkiat, taalliat, aviisit, atuagassiat, nittartakktat inatsisillu oqaasertaat.

Allagaatinik katersuivik pingaarnertut kalaallisut oqaatsinik misissuinermit atugas-sangorlugu suliaavoq. Oqaatsit, oqaaseqatigiit, nagguit, uiguutit, naanerit oqaasilerinermulluunniit tunngasut allat ujarneqarsinnaapput misissuiffigineqarsinnaallu-tillu.

Allagaatinik katersuivimmi ujarliutip nani-saani ujagaq qiterliulluni inissisimasas-saaq, oqaatsillu siuliiniittut kinguliiniittul-lu amerlangitsuinnaat aamma nuisinneqartassapput.

Allagaatinik katersuivipput kalaallisut oqaatsinik misissuerusuttunit tamanit, soorlu oqaasilerisunit, ilinniartitsisunit, tusa-gassiortunit soqutiginnittunillu allanit ta-manit atornerqarsinnaavoq.

Oqaasileriffimmi allagaatinik katersuinerup oqaluttuassartaa naatsumik: Oqaasileriffik 2014-imi aviisitoqqanik pdf-iusunik Timarit.is-imit pissarsivoq. 2015-ilu naajartulersoq allagaatinik katersuineq

aalajangersimasumik akisussaasoqartinneqarluni aallarnerneqarsimavoq.

Timarit.is-imit pissarsiarineqartut ilaat katersuinermi aallarniutigineqarsimapput, ukiunilu siullerni marlunni Atuagagdliutit 1952-ip 1955-illu akornanni saqqummer-sartut oqaasertaat Oqaasileriffiup allattaa-sitaamut nuutsissutaa atorlugu katersorneqarsimapput. Tamatuma kingornagut atuakkiat, taalliat, aviisit, atuagassiat, nittartakktat inatsisillu oqaasertaat katersorneqarput.

Misissuinissamut periarfissat amerlaqaat, taamaakkaluartoq nunani allani allagaatinik katersuivinnut sanilliullugu oqaatsit katersorsimasavut 18 millioniusut amerla-soorsuunngimmata suli katersuisoqassaaq ujarliutitaalu pitsanngortarneqartuassallu-ni.


**Allagaatinik katersuivik pillugu paasisaqarnerorusukkussi Oqaasileriffimmi allagaatinik katersuinermi akisussaasoq**  
**Minik Jeremiassen attavigisinnaavarsi:**

**Email:** [minik@oqaasileriffik.gl](mailto:minik@oqaasileriffik.gl)

**Oqarasuaat:** +299 384067

Linki kopeeriarlugu kalaallisut allagaatit oqaasertaat misissuiffigineqarsinnaapput

<https://oqaasileriffik.gl/oqaaserpasualerineq/allagaatinik-katersuivik/>





# ILISARITITSINEQ

## NUNAT AQQINIK AALAJANGIISARTUNI ILAASORTAQ



**Ateq:** Ono Fleischer

Nuliaqarpunga meeraqarlungalu sisamanik.

**Inuuik:** 12. december 1948

**Suut ilinniagaraagit?**

Umiatsialiortutut ilinniarsimavunga kingornalu ilinniartitsisutut soraarummeersimallunga, kiisalu ilaasartaatinut minnerusunut naalagaasinnaaermit allagartaqarlunga. Ukiut amerlasuut aalisarnermik ingerlatsivunga, kiisalu takornariaqarnermik ukiorpassuarni ingerlataqarlunga.

**Nunat Aqqinik Aalajangiisartuni**

**Ilaasortanngorfik:**

2018-imi NAA-mi ilaasortanngorpunga.

**Sunnigiffimmi soqutigisat:**

Angalaarneq, aalisalunneq, aavarnerlu pilinerlu soqutigisaraakka. Utoqqaanngikkallarama arsarneq sisorarnerlu aliikkutaraakka, kiisalu nunanut allanut takornariarneq nuannarilluinnarlugu.

**Kalaallit oqaasii ilinnut qanoq**

**pingaaruteqarpat?**

Oqaatsitsinnik pingaartitsisuvunga, uannut pingaaruteqqaat taakkuuppummi tamakkiisumik oqaatsikka.

**Nerisassat mamarinerpaasatit suuppat?**

Inumerngit (kalaalimernit) aammalu Asia-mi kimittuunik nerisassioriaasiat.

## OQAASILIORTUNI ILAASORTAQ



**Ateq:** Camilla Kleemann-Andersen

**Inuuik:** 17. januar 1987

Ueqarpunga Lars-imik atilik, sisamanik meeraqarpugut, Ivaana (13), Noah (9), Marcus (4) aamma Ayla (1).

**Ilinniagaq:**

Oqaasilerinermi atuakkialerinermit tusagassiuutilerinermi cand.mag.-i.

**Qanga Oqaasiliortuni ilaasortanngorpit?**

Ukioq 2020-mi.

**Sunnigiffimmi soqutigisat:**

Kulturikkut pikialaartitsinerni peqataaneq, kamalaatit ilaqtallu ilagalugit, pisuttuarneq, filmerneq eqqissisimaarnerlu.

**Kalaallit oqaasii ilinnut qanoq**

**pingaaruteqartigippat?**

Inuussutissarsiutigakkit pingaaruteqangaatsiarsimassapput. Inuiaqatigiinni qanoq inissisimani inissisimatinneqarnerilu sammissallugit soqutigaakka, aamma isumaqarama oqaatsitigut oqallinnerni inuiaqatigiinni qanoq inissisimanagerput takuneqarsinnaasoq. Taamaattumik isumaqarpunga kalaallisut oqaatsit nunatsinni eqqumaffiginissaat pingaartuusoq.

**Nerisassani mamarinerpaasatit suuppat?**

Neqi siataq flødekartoffelilerlugu kajortumik miseralerlugu naatsiat panertulerlugillu.

Kalaalimernillu amerlanerpaartaat.

# ILISARITITSINEQ



**OQAASILERIFFIMMI  
SULISOQ**

**Ateq:** Minik Jeremiassen

Arnaateqarpunga, meeraqanngilanga.

**Inuuik:** 20. september 1990.

**Ilinniagaq:**

Oqaasilerinermi, atuakkialerinermi tusagassiuu-tilerinermilu bachelori.

**Atorfik:**

2015-imi novembarip aallaqqaataani Oqaasilerifimmi atorfinikkama Oqaasiliortunut allatsitut sulilerpunga. Ukiut marlungajaat qaangiummata 2017-imi oktobarip aallaqqaataani allagaatinik katersuineramik suliaqalerpunga, ullorlu manna tikillugu suliaqarfigaara.

Kalaallisut ordbogit Kleinschmidt-p ordbogilaa-nit ordbogit nutaanerpaat ilanngullugit nit-tartakkatsinniilersussaammata 2021-mi ordbogilerinermik suliaqatsiartussaavunga. Taakkua saniatigut kalaallisut oqaatsit pillugit Oqaasileriffimmut saaffiginnittoqaraangat akissuteqar-tartuugama oqaatsinik misissuiloortarpunga.

**Sunnigiffimmi soqutigisat:**

Atuarneq timersornerlu soqutigineruakka.

**Kalaallit oqaasii ilinnut qanoq pingaaruteqarti-gippat?**

Uannut pingaaruteqaqaat, ullummi tamaasa a-tortuarlugillu ilinniartuarpakka ilinniartuassal-lugillu. Oqaatsinit allanit pingaarnerutikkakkit Jonathan Petersenip ordbogeeqqami allassimasai isumaqatigingarpakka:

”Inuiaat siumukartut namminneq oqaatsitik a-torfissaarunnavianngilaat pingaarnerutittuassal-lugillu”.

**Nerisassani mamarinerpaasatit suuppat?**

Mamarisaqqaanga aalajangersimasunillu taasa-qarsinnaananga, eqqaarusupparali Oqaasilerifimmi puisip neqaanik neqitullaraangatta ma-marsartaqalunga!



**OQAASILERIFFIMMI  
IKIORTI**

**Ateq:** Tuperna Møller

Angutaateqarpunga paneqarpugullu pingasu-nik ukiulimmik.

**Inuuik:** 10. maj 1987.

**Ilinniagaq:**

Oqaasilerinermi, atuakkialerinermi tusagassi-uutilerinermilu bacheloriuvunga.

**Ikiortitut suliffik:**

Sulileqqaarama oqaatsinik katersinermi ikior-taaqqaarpunga, massakut allagaatinik katersi-nermi ikiortaavunga.

**Sunnigiffimmi soqutigisat:**

Sap. akunnerata naanerani angutaatiga paniga-lu nalunnguariaqatigisarpakka, ikinngutikka ilaquttakkalu ilagalugit caféssallunga nuan-nareqaara. Filmerneq sunngiffinni soqutigisa-raara.

**Kalaallit oqaasii ilinnut qanoq pingaaruteqar-tigippat?**

Kalaallit oqaasii meeraaninniilli uannut pi-ngaaruteqaqaat, meeraallungali kalaallisuunik atuakkanik allanillu atuartorujussuugama ka-laallisut oqaatsit assigiinngitsunik atorneqar-tarneri soqutigiuaannarsimavakka.

**Nerisassani mamarinerpaasatit suuppat?**

Kalaalimerngit, saarullit tippassikkat puisip orsuanik orserarlugit.



# IMMIKKUT ILISARITITSINEQ

## OQAASILERIFFIMMI SIULLERSAALLUNI MEEQQAT ATUARFIANNIT SULIFFIMMIK MISILEEQQAARTOQ

**Ateq:** Nivi Møller Hansen

**Ukiui:** 15-inik ukiulik

**Atuarfik:**

Meeqqat atuarfianni 10. klasse aasamut naammassissavaa.

Oqaasileriffimmi sulinermik misileerusu-mavoq kalaallisut oqaatsini nammineerluni soqutigisaralugillu ilisimasani qaffassaqqik-kusukkamigit.

Sunngiffimmini timersorneq, nipilersorneq, erinarsornerlu nuannarisuuai.



## ALLATTOQ: MINIK JEREMIASSEN (SULIFFIMMIK MISILIISITSISOQ)

### SULIFFIMMIK MISILINERMINI SULIAQARFIGISAI:

Nivi Oqaasileriffimmi suliffimmik misiliinermini pingaarnertut allagaatinik katersu-inermik suliaqataavoq. Allagaatinik katersueqataanermini atuakkat assigiinngitsut pingasut atuarpai. Siullermik Atuarfiktorfiup 2002-mi saqqummersitaa "Harry Potter ujarallu inuunartoq" atuarlugulu atuakkami oqaatsit nalornissutigisani nalunaarsor-pai.

Taamaalillutik Oqaasileriffimmi sulisut inuusuttuarannguup 15-inik ukiullip oqaatsit suut nalornissutiginerai paasisaqarfigaat.

Atuagaasa aappaat tassa "APUTSIK' nivtailanguak" 1973-imi allattaasitoqqamik allagaalluni saqqummersoq. Taanna Oqaasileriffiup allattaasitaamut nuutsissutaa atorlugu allattaasitaanngortippaa. Atuarfiktorfiup pingajuattut naggasiu-tigalugulu atuagaa tassaavoq atuagaq 2001-imi saqqummersoq "Naalliutsitaanerup pissaanerani". Atuarfiktorfiup tassani naqinnerlunneqarsimasut naqqiuteqarfisarlugillu oqaatsit nalornissutigisani nalunaarsorpai.

Nivip atuarfiktorfiup saniatigut Oqaasileriffiup oqaasilerineq pillugu isigin-naagassiannguisa oqaasertaat paasiuminarnersut nalilersuiffigai, aamma atuakkat Oqaasileriffimmi ikiortit atuarumaagassaat marlussunnguit scannerlugillu piareer-saaqataaffigai.